

Aðalfundur Vélhjólaíþróttafélagsins fyrir starfsárið 2009
Haldinn í húsnæði ÍSÍ, Laugardal, þ. 16. Mars 2010

Fundur settur kl: 20:00

Til fundar voru mættir um 25 – 30 manns.

Hrafnkell Sigtryggsson setti fundinn og kom með tillögu um Gunnar Bjarnarson sem fundarstjóra og Birgi Má Georgsson sem fundarritara sem samþykkt var með lófataki.

Hrafnkell hóf hefðbundnan dagskrá á því að flytja skýrslu stjórnar. Skýrslan er birt í heild sinni á www.motocross.is

Því næst var fjallað um reikninga félagsins.

Sverrir Jónsson sá um að skýra frá helstu lykiltölum ársreiknings félagsins fyrir starfsárið 2009. Tekjur voru kr. 15.046.786 og rekstrargjöld kr. 13.242.262, hagnaður ársins var kr. 1.804.524. Samdráttur var um 4 milj. - aðallega vegna minni styrkja á árinu. Einnig var lögð fram fjárhagsáætlun fyrir árið 2010. Engar spurningar voru bornar fram.

Endurskoðaðir reikningar félagsins voru lagðir fram til samþykktar.

Reikningar voru samþykktir.

Skýrsla stjórnar var einnig borinn fram til samþykktar og var hún sömuleiðis samþykkt.

Hrafnkell lagði fram tillögu að lagabreytingu er varðar motocrossnefnd. Lagt var til að hún yrði lögð niður - enda hafi hlutverk hennar flust til stjórnar og MSÍ . Tillagan var samþykkt einróma.

Að þessu loknu var kosið í nefndir:

Enduro nefnd:

Guðbjartur Stefánsson, Gunnlaugur Björnsson, Gunnlaugur Thorsson.
Varamaður Árni Stefansson, Elvar G. Kristinsson

Umhverfisnefnd:

Gunnar Bjarnason, Leópold Sveinsson og Einar Sverrisson.
Enginn varamaður bauð sig fram.

Álfnesnefnd:

Einar Bjarnason, Örn Erlingsson og Reynir Jónsson.

Bolöldunefnd:

- Hús - Grétar Sölvason
- Braut - Ólafur Þór Gíslason, Þóroddur Þóroddsson
- Slóðir / uppgræðsla - Kristján A. Grétarsson, Halldór Sveinsson

Vefnefnd:

Hákon Orri Ásgeirsson, Einar Sverrisson og Sverrir Jónsson

Skemmtinefnd:

Magnús Þór Sveinsson, Helga Þorleifsdóttir og Björk Erlingsdóttir

Að lokinni nefndarkosningu var komið að kosningu formanns fyrir árið 2010. Hrafnkell Sigtryggson var einn í framboði og var kosinn til starfans með lófataki.

Með honum voru eftirtaldir kosnir í stjórn:

Birgir Már Georgsson, Ólafur Þór Gíslason, Þóroddur Þóroddsson, Hrafn Guðbergsson.

Varamenn:

Karl Gunnlaugsson, Sverrir Jónsson, Einar Sverrisson, Guðbjartur Stefánsson

Kaffi hlé.

Fundarmenn tóku sér stutt hlé frá lýjandi fundarstörfum og gæddu sér á kaffi og kleinum.

Önnur mál

Undir liðnum 'önnur mál' steig Hrafnkell í pontu. Hann þakkaði fyrst fundarmönnum fyrir traustið, en vatt sér síðan í að ræða framtíðarsýn félagsins og mikilvægi þess að félagið eignist betri æfingaraðstöðu - þar með talda innanhúsaðstöðu. Eftir kynningu Hrafnkels á framtíðarsýn fyrir svæðið í Bolaöldu, og umræðu þar um, bar hann fram tillögu þess efnis að stjórn hefji þegar undirbúnning að byggingu hjólahallar og fleiri akstursbrauta á Bolaöldusvæðinu sem geti verið tilbúinn 2015.

Tillagan var samþykkt einróma.

Hrafnkell óskaði eftir framboðum í undirbúningsnefnd en engin framboð bárust að sinni.

Karl Gunnlaugsson gerði að umtalsefni óhagstæða stöðu félagsins varðandi skammtímaskuldur. Hann bar upp þá tillögu að stjórn ætti að setja sér það markmið að ná þeim niður að lágmarki um helming á starfsárinu.

Tillagan var samþykkt.

Nokkur umræða varð um þá gesti á Bolaöldusvæðinu sem ekki eru borgandi félagsmenn í VÍK, en nýta sér engu að síður alla aðstöðuna á svæðinu – svo sem salerni, búningasaðastöðu, þvottaaðstöðu og fl. Skilja þyrfti betur á milli þeirra sem hafa greitt félagsgjald og þeirra sem ekkert leggja til starfsins. Hugmyndir voru um að hengja upp á svæðinu lista yfir virka félagsmenn, afhenda límmiða á hjól eða hjálm, gera merkingar sýnilegri á svæðinu er varða að það sé fyrir félagsmenn VÍK.

Tillaga var borin upp um að fela stjórn VÍK að vinna að framkvæmd "jákvæðrar mismununar" milli virkar félaga í VÍK og þeirra sem ekki eru félagsbundnir. Tillagan var samþykkt samhljóma.

Frekari umræður áttu sér ekki stað.

Að lokum var samþykkt að fundargerð yrði gerð aðgengileg á vef félagsins og gætu fundarmenn gert athugsemdir þar ef einhverjar væru.

Fundarstjóri þakkaði fundarmönnum fyrir góðan fund og sleit fundi kl. 21:30.